

立永杜賣契人山頂薛門林氏，有承夫薛當觀遺下自創水田壹段，坐落笕荖庄、阿力肚貳處。上處帶竹圍在內，帶古黨番租粟壹石伍斗，東至水圳，西至水圳，南至陳宜珍田界。又下處帶目大霞番租粟叁石伍斗，東至水圳，西至陳如浩田界，南至徐廷田界，北至汪百田界，四至明白爲界。此田前年李蛤閔與曾以榮合夥全買過徐登騰阿力肚水田貳處。其曾以榮均分壹分，聽榮收管。其李蛤閔壹分，盡賣與氏夫薛當觀。二比均分明白外。今因乏銀使用，先盡問族親人等，不願承交，外托中引就送賣與黃宅章官變官合夥出頭承買。三面言議，着下時銀貳百壹拾大員正。其銀即日憑中三面交訖，其田隨即踏付與銀主掌管耕作，納租取稅，不得異言，生端滋事。此田原帶目大霞、古黨二番租粟共伍石。乾隆肆拾貳年拾貳月縣主馬明丈，共出大租粟壹石，壹共番租粟陸石。又帶眉系囑圳路租粟柒斗正。自此以後，一賣終休，後日子子孫孫及親人不得言找言贖等情，亦無重張胎借及來歷不明等情。如有此等，氏自己抵當，不干銀主之事。保此田果係氏承夫物業，與族親兄弟伯姪人等無干，後日不敢異言生端，永付銀主世世掌管物業。此係二比甘愿，各無抑勒反悔。今欲有憑，立杜斷賣契壹紙，併上手退佃字、合約字、繳□字、給仗字共伍紙，付執爲炤。

即日收過契內銀貳百壹拾大員足訖，再批炤。

內改亦字、紙字共貳字，批明再炤。

代書人女婿蔡如蘭(花押)

戴納觀(花押)

全爲中

蔡如蘭(花押)

次男薛奐水(花押)

知見

長男薛興宗(花押)

三男薛傳祖(花押)

乾隆肆拾叁年閏陸月



日立永杜斷賣契人薛門林氏(花押)